

2014 年 4 月 30 日

「築福香港」 – 飲食派對

扶貧委員會社會參與專責小組

紀文鳳副主席致辭全文

(香港餐飲聯協會)

1. 陳首銘主席、何珮玲處長、黃家和會長、陳祥佐董事總經理、各位朋友、各位老友記:
2. 大家好！
3. 首先我要代表扶貧委員會社會參與專責小組衷心感謝香港餐飲聯協會同 嘉豪酒家支持同響應「築福香港」飲食派對活動，今次四大飲食商會一共舉辦超過 130 場「飲食派對」，受惠對象係跨階層，受惠人數超過 12,000 位。淨係今日係 嘉豪酒家依度，在場已經有過百位老友記一同享受一個開開心心的下午茶。
4. 「築福香港」由今年一月開始，已經得到各界支持，登記活動超過 600 項，大大小小嘅活動好似贊助賀歲盃足球入場票，學童免費驗眼等等。
5. 今次「築福香港 – 飲食派對」，充分實現「築福香港」凝聚各方力量，推動「民、商、官」跨界別三方協作，建立守望相助，分享是福的社會文化。

6. 起初，我開始試下同陳首銘主席、黃家和會長同埋幾位飲食商會領導講「築福香港」的概念時，本來是希望他們支持 2 月長者月，不過，他們反而建議話要由 2 月做到 7 月，橫跨整個「築福香港」，我對他們的鼎力支持，十分感恩。

7. 大家知唔知道「築福香港」的標誌係由 4 個福字組成，你將張貼紙轉 360 度，就搵到晒！

8. · ，第一個福字代表惜福，凡事要珍惜。

第二個福字代表積福，就係多做好事。

第三個福字代表造福，就係你幫人，人幫你，大家守望相助。要知道「能夠幫人係你的福氣！」

做齊惜福，積福，造福，個人同社會當然就會得到幸福。為香港呢塊福地凝聚更多福氣！

9. 除了飲食派對之外，嚟緊個月，5 月，係親子月，其中的旗艦項目係今個星期日下午在屯門公園舉行的「共融遊樂場」，由聯合國兒童基金會同智樂兒童遊樂協會合辦，讓傷、健的小朋友，都可以同佢地嘅屋企人一同體驗遊戲，促進社會共融。大家如果有時間，都可以同孫仔去玩下。

10. 最後，喺呢度我祝願各位老友記，身體健康、萬事如意，全家幸福！

11. 多謝大家！

[726 字，約三分鐘]